



Rabu, 30 Desember 2020

Ogen:

Perngandungan

3:22-24



Tetap Keleng Ate Tuhan



Bicara melala pe perbeben si man alanken i bas kegeluhenta enda, tapi tetap nge belinen keleng ate Tuhan, emaka ngasup denga kita nggeluh seh paksa enda. Nina i bas sada ndenden “hitung berkat berkat Tuhan dalam kehidupan kita.” Mari sigargari i bas sada tahun enda, anemgia mberat ngalaken virus corona, tapi lit denga kita seh paksa enda e me pasu-pasu Tuhan si meblin bas geluhta.

- Kesehaten eme si mehergana, sabab adi sehat kita banci denga kita erdahin, banci denga sinikmati ulih pencarinta, banci denga kita gawah-gawah jumpa ras keluarganta. Emaka perlu si jaga kesehatenta.
- Mari sigargari pasu-pasu Tuhan : uang masukta 6 juta sebulan, tapi anakta kuliah 2 kalak. Man bana duana pe enggo 4 juta sada bulan, lenga denga ka belanjanta guna keperlun dapur ras ndahi kalak sakit, ndahi kalak mate ras kerja kerja. I ja nari nge sie kerina maka banci terbiyai keluarga ras sisekolahken anak-anakta. Seh pagi paksana nggalar uang kuliah banci ka sigalari, mbelin Tuhu pasu-pasu Tuhan man banta i bas kegeluhenta.
- Tiap wari lit kalak mate, apai denga ka i bas paksa covid enda. Mate pe la ka banci idahi keluarga, tentu si enda kerina jadi intospeksi diri man banta i bas penghujung tahun enda sehat denga kita seh bas paksa enda, banci denga ka kita jumpa ras keluarga, enda kerina pasu pasu Tuhan simbelin man banta.

Tentu melala denga pasu pasu Tuhan si enggo sialoken i bas geluhta; pasu-pasuna ulih pendahinta, simpar rejeki seh maka nggo ka lit rumah inganta tading ras anak-anakta, lit ka juma inganta erdahin, deba enggo ka lit mobil si banci jadi nahenta guna ndahiken dahinta ras ndahi keluarganta. Tentu sienda kerina kesangapen sinibereken Tuhan. Sada wari nari nggo ka kita seh ku bas tahun si mbaru, itaruhken Tuhan kita sada tahun enda amin mbelin perbeben si man alanken. Tuhu maka tetap nge belinen pasu pasu Tuhan i bas kegeluhenta asangkan gegehta sekalak ndalanisa. Sangap kita selaku moria, nande ras ndehara si ngasup denga ngaturken kinitekenta, perasanta, keuangenta seh maka banci denga kita nggeluh alu meriah ukur seh ngasa genduari.

Mbelin perbebenta, tapi belinen denga pasu-pasu Tuhan

